

PROPOSITIO X.

Dato tempore motum æqualem fixorū siderū ac longitudinū longiorū propiorumq; numerare. Datum itaq; tempus resoluetur in prima & secunda atq; in reliquas temporū collectiones, eo modo qui in canonibus Alfonsinarū tabularū traditur, atq; primū intrandum est tabulam primā æqualis motus fixorū siderum cum quartis, si qua sunt, aut cum tertiis si quarta non extiterint, hoc est cum maiore dierum collectione, sub inscriptione tituli eiusdem collectionis id est cum quartis in eorū numerorū versu cui quarta inscribuntur, & cū tertiis sub tertiis cum secundis sub secundis, cū primis sub primorū inscriptione & in angulo cōmuni e regione numeri qui in primo versu scribitur eiusdem collectionis compertus numerus signa denotat, sequens gradus representat, tertius minuta prima, quartus numerus secūda & sic de aliis minutiis huius æqualis motus, pari deniq; ratione ingrediendum est eandem tabulam cum tertiis secundis & primis, sub suis titulis & numeri in angulo cōmuni vt supra comperti signa denotant. Deniq; si quæ minutia sunt diei incompleti, siquidem primæ fuerint in angulo cōmuni gradus inuenientur velut inscriptiones eiusdem primæ tabulæ admonent, hoc itaq; præcepto extracti ipsi tabulæ motus sibi inuicem sunt aggregandi videlicet addēdo quodlibet genus suo generi id est, signa signis, gradibus grad^o minutiis minutias, & si quæ minutiarum collectiones maiores excreuerint lx, vnitatibus, illis quotiens lx, auferantur, totiens vnitas proximo & grossiori minutiarum generi iungatur atq; pro sexaginta gradibus signū vnū signis adiiciatur, signis autem, totiens vi, signa demantur quotiēs id fieri poterit reliquus signorum numerus erit. Velut sit propositum ab æra Ptolemæi vsq; ad Alfonsi regis æram, æqualem motum stellarū fixarum longitudinūq; longiorum & propiorum ex prima tabula numerare, igitur æram Ptolemæi id est, annos dominicæ incarnationis 149, dies 53, demere decet ex Alfonsi Castellæ regis æra id est ex annis